



Inatsisartuni ilaasortaq
Kalistat Lund, Inuit Ataqatigiit
/Maani

**Narsap Iluani kuummi eqalunnik toqungasunik nassaartoqarsimanagera pillugu § 37
naapertorlugu apeqqut nr. 246-mut akissut.**

12-10-2016
Sagsnr. 2016-15438
Dok. Nr.

Asasara Kalistat Lund

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: pann@nanoq.gl
www.naalakkersuisut.gl

28. september 2016-imi Narsap iluata kuummi eqalunnik toqungasunik nassaartoqarnera pillugu Naalakkersuisunut apeqquteqarputit. Apeqqutit uannut akisassanngorlugit innersuunneqarput.

**1. Kuannersuarni aatsitassanik misissuisoqarnerani, Narsap Iluata kuua Narsami
innuttaasunit eqalunniarfigineqartartup, mingutsitaasimanginnera ataavartumik
nakkutigineqarpa?**

Akissut:

Aatsitassanut suliasaqarfimmi Avatangiisinut Aqutsisoqarfik Pinngortitaleriffimmi (GN) aamma Nationalt Center for Miljø og Energi-mi (DCE) ilisimatusarnikkut siunnersortinik atuisarpoq. Taakku aatsitassarsionerni tamani, taakkununggalu misissueqqaarnerit ujarlernerillu ilanngullugit, avatangiisinik naliliisarput.

DCE/GN-ip Kuannersuarni sulianik naliliinera

DCE/GN-ip 2010-p kingorna Kuannersuarni aatsitassarsionerni suliat tamaasa naliliiffigisarpari. Suliani taakkunani ilaatigut qillerilluni paaasoqarpoq, nunamit akuutissanik misissugassanik katersuisoqarpoq, nunap ilusaanik nalunaarsuisoqarpoq qaarsumiillu qaartiterilluni paaasoqartarluni ("qaartitikkanik poortorsimangitsut"). DCE/GN-imit naliliineq malillugu, aatsitassarsiorfiutileqatigiiffiup nunap pissusianik misissuinermit kiisalu sakkussiassanik misissuinermit sumiiffinnut maleruagassat tamanut atuuttut avatangiisinik isumannaatsumik illersuinissamat qulakkeerisuupput, DCE/GN naliliivoq, Kuannersuarni suliat flour-imik saffiugassanik oqimaatsunik akuutissanilluunniit avatangiisinut sunniuteqartussanik imermik mingutsitsisinnaasunik allanik katagartoqarnerata annertusineranik kinguneqassanngitsaq. Taamaattumik Narsap Iluani aalajangersimasumik nakkutillisoqarsimangilaq.

Kuannersuarni avatangiisinik misissugassanik tigooqqaaneq

Aatsitassarsiorfiutileqatigiiffik sulianut atatillugu avatangiisinik misissugassanik 2009-mi (aggustimi), 2011-mi (juunimi, juulimi aggustimilu, 2013-imi (aggustimi) aamma 2014-imi (februaarimi marsimilu) katersuisarsimavoq. Avatangiisinik misissugassat DCE-mi misissoqqaarneqarput, taakkulu inernerit sumiiffimmi avatangiisit pillugit paasissutissanut tunuliaqutassanut ilaatinneqarput. Avatangiisinik misissugassat ilaatigut kuup imianit kiisalu kuummi eqalunnit pissarsiarineqarput. Narsap Iluani kuummi erngup akui nalinginnaasunik naleqartut misissugassat katersukkanit takutinneqarpoq.

DCE 2001-imi Narsap Iluani kuuk pillugu nalunaarusiamik saqqummersitsivoq

DCE (taamani DMU) aamma 2001-imi nalunaarusiamik saqqummersitsivoq, Narsap Iluani 1982-imi aamma 1983-imi saviminissamik paaanerpup kingorna kuup imiata akuinik eqalunnillu misissuinermit tunngasunik imalimmik. Nalunaarusiami tassani inerniliisoqarpoq, engup akuinut eqalunnullu sunniutinik uuttorneqarsinnaasunik takussutissaqanngitsoq.

2. Naalackersuisut ilisimasaqarpat, ukiualuit matuma siorna aatsitassanik misissuinerit ingerlanneqaleruttorneranni, eqaluppassuit ataatsimoortut Narsap Iluata kuuani toqorarsimasut naammattoorneqarsimasut, Kommune Kujallermilu sulisunit katersorneqarsimanerarneqartut?

- a. Taamaattoqarsimappat eqaluit toqungasut piiarneqarnissaat kikkunnit aalajangerneqarsimava?
- b. Taama pisoqarsimappat eqaluit suna toqqutigisimaneeraat misissorneqarsimava?

Akissut:

Misissueqqaarnerit ingerlanneqarnerini kuummi eqalunnik toqungasunik amerlasuunik nassaartoqarsimaneramik Namminersorlutik Oqartussat, Pinngortitaleriffik imaluunniit DCE ilisimasaqanngillat.

Ilisimatitsissutigineqartut tunngavigalugit taamaammat tamanna aatsitassanik ujarlernermit atassuteqarsinnaasutut naliliiffigineqarsinnaanngilaq.

2009-ip aamma 2014-ip akornanni kuummi avatangiisinit misissugassatut tigusat misissoqqissaarneqartut (takuuk apeqqut 1), kuummi piffissami tassanerpiaq pisunik takutitsipput. Misissukkat siornatigut taaneqartutut engup akuini naliusut nalinginnaasuunerat takutinneqarpoq.

3. Naalackersuisut eqaluit toqorarsimanerannik tusagaqarsimanngikkunik, Narsami ilisimannittunut tusarniaanissartik siunniunniarpaat?

Akissut:

Aatsitassanut suliassaqarfimmi Avatangiisinit Aqutsisoqarfik sisamanngornermi 6. oktober 2016-imi Kommune Kujallermut oqarasuaatikkut saaffiginnippoq, Narsap Iluata kuuani eqalunnik toqungasunik nassaartoqarsimaneramik kommuni ilisimasaqarnerisooq paasiniallugu. Ukiut marluk-pingasut matuma siornatigut ukiakkut eqaluit 20-t missaaniittut toqungasut nassaarineqarsimasut, aammalu nalinginnaasutut isikkoqartut nassaarineqarsimasut, Narsami kommunip Teknikkimut Avatangiisinullu Immikkoortortaqarfiani sulisup uppersarsarpaa. Kommunimi sulisup eqaluit katersorsimavai eqqaavissuarmullu igissimallugit, kisiannili Namminersorlutik Oqartussat Pinngortitaleriffilluunniit nassaat pillugit ilisimatissimanngilai.

Inussiarnersumik inuulluaqqusillunga